




天豐全  
后踐履

懷海徐三庚署



光緒中  
后寒夕  
會稽  
斯堂  
氏勅成



元豐金石跋尾目錄

茅君碑

常樂寺浮圖碑

九成宮醴泉銘

魏侍中王粲石井欄記

襄州徧學寺禪院碑

襄州興國寺碑

韓公井記

晉陸禕碑

元豐金石跋尾目錄

一學古齋校本

尙書省郎官石記序

桂陽周府君碑并碑陰

唐安鄉開化寺卧禪師淨土堂碑銘

江西石幢記

辱井銘

漢武都太守漢陽阿陽李翁西狹頌

常樂寺浮圖碑

茅君碑

元豐金石跋尾目錄

元豐金石跋尾一卷

宋南豐曾

鞏子固著

茅君碑

茅君碑三茅者盈太元真君固定錄真君衷保命僊君皆漢景帝中元間人盈天漢四年道成至元帝初元五年來江左句曲之山哀帝元壽二年乘雲而去至梁普通三年五百四十四年矣固至孝元時拜執金吾卿衷宣帝地節四年拜上郡大守五更大夫並解任還家修學成帝永始三年固爲定錄真君衷爲保命仙君梁普通三年道士張繹建此碑孫文韜書

元豐金石跋尾

一學古齋校本

常樂寺浮圖碑

常樂寺浮圖碑周保定四年立州人治記室曹胡遠撰其辭云襄州刺史王秉字孝直建常樂寺塹塔七層其碑文今仆在襄州開元寺塔院其文字書畫無過人者特以後周時碑文少見於世者故存之

九成宮醴泉銘

九成宮醴泉銘秘書省檢校侍中鉅鹿郡公魏徵撰兼太子率更令歐陽詢書九成宮乃隋之仁壽宮也魏爲



此銘亦欲太宗以隋爲戒可以見魏之志也

魏侍中王粲石井欄記

魏侍中王粲石井欄記貞元十七年山南東道節度使  
于頔撰掌書記胡證書記一參謀太子舍人甄濟撰判  
官彭朝議書云上云二年山南東道節度使來瑱移井  
欄置於襄州刺史官舍故爲記甄濟者韓愈所謂陽瘡  
避職卒不污祿山父子事者也其文得之爲可喜而朝  
議書尤善皆可愛者也

襄州徧學寺禪院碑

元豐金石跋尾

二學古齋校本

襄州徧學寺禪院碑黃門侍郎修國史常承慶撰太子  
少詹事鍾紹京書開元二年立其文云襄州人將仕郎  
阮宏靜與其屬人建徧學寺禪院故立此碑承慶有辭  
學張易之敗時承慶以附託方待罪衆推令草赦書承  
慶援筆而成衆壯之紹京景龍中以苑總監從討常氏  
有功惟嗜書家藏王羲之獻之褚遂良書至數十百卷  
以善書直鳳閣武后時榜諸宮殿明堂及銘九鼎皆紹  
京書也其字畫妍媚遒勁有法誠少與爲比然今所見  
特此碑尙完尤爲可愛也徧學寺於宇文周爲常樂寺

於今爲開元寺

襄州興國寺碑

丁道護書啓法寺碑一興國寺碑一皆隋開皇中立啓法寺今爲龍興寺在襄陽城西興國寺今爲延慶寺在望楚山歐陽永叔云興國寺碑不知所在特見其模本於太學官楊哀家而此碑陰又有道護書襄州鎮副總管府長史柳止戈天下十人官號姓名其字猶可喜得之自余始世蓋未有傳之者也

韓公井記

元豐金石跋尾

三學古齋校本

韓公井記開元二十二年初置十道採訪使韓朝宗以襄州刺史兼山東道襄州南楚故城有昭王井傳言汲者死行人雖渴困不敢視朝宗移書諭神自是飲者亡恙人更號韓公井楚故城今謂之故墻卽鄢也此記今移在郡廨中故城改爲墻者由梁太祖父烈祖名誠當時避之故至今猶然

晉陸禕碑

晉陸禕碑此碑云禕字元容吳郡吳人其先家于陸鄉因氏姓焉顯考吳故左丞相禕赤烏六年召宿衛郎中



轉右郎中左郎中治書執法平中校尉平義都尉五官  
郎中騎都尉遷黃門侍郎封海鹽縣侯加裨將軍行左  
丞相鎮西大將軍事又云委戈執笏入賓皇儲而吳志  
云孫皓大鼎元年以陸凱爲左丞相又云凱子禕初爲  
黃門侍郎出領部曲拜偏將軍凱亡後入爲太子中庶  
子皆與此碑合而此碑晉泰寧三年立也

尙書省郎官石記序

尙書省郎官石記序陳九言撰張顛書記自開元二十  
九年郎官石名氏爲此序張顛草書見於世者其縱放

元豐金石跋尾

四學古齋校本

可怪近世未有而此序獨楷字精勁嚴重出於自然如  
動容周旋中禮非強爲者書一藝耳至於極者迺能如  
此其楷字蓋罕見於世則此序尤爲可貴也

桂楊周府君碑并碑陰

桂陽周府君碑并碑陰歐陽永叔按韶州圖經云後漢  
桂陽太守周府君廟在樂昌縣西一百一十八里武溪  
上武溪驚湍激石流數百里昔馬援南征其門人爰寄  
生善吹笛援爲作訶和之名曰武溪深曰滔滔武溪一  
何深鳥飛不渡獸不能臨嗟哉溪何毒滂周府君開此

溪合真水桂陽人便之爲立廟刻石又云碑在廟中郭  
蒼文今碑文磨滅云府君字君光而名已訛缺不辨圖  
經但云周使君亦不著其名後漢書又無傳遂不知爲  
何人也按武水源出彬州臨武縣鷓鴣石南流三百里  
入桂陽水真水梨溪盧溪曹溪諸水皆武水合流其俗  
謂湍浚爲瀧乃退之詩云南下樂昌瀧卽此水也碑首  
題云神漢者如唐人云聖唐爾蓋當時已有此語而史  
傳他書無之獨見於此碑也熙寧八年余從知韶州王  
之材求得此本之材又以書來曰按曲江縣圖經周府

元豐金石跋尾

五學古齋校本

君名所字君光則永叔云圖經不著其名者蓋考之未  
詳也又有碑陰列故吏及工師官號州里姓名之材并  
模以來永叔蓋未之得也其碑陰曲江字皆作曲紅而  
蒼江字江夏字亦作紅蓋古字通用不可不知此學者  
所以貴乎博覽也永叔又記劉原父所得商洛之鼎銘  
云惟十有三古二字月旁死魄君謨問十四月者何謂原  
父不能言也以余考之古字如亦作叅人作兂之類皆  
重出如此者甚衆則此文作三者特二字耳永叔原父  
君謨皆博識而亦有所未達學者又不可不知故并見



之於此也

唐安鄉開化寺卧禪師淨土堂碑銘

唐安鄉郡開元寺卧禪師淨土堂碑銘監察御史張鼎撰雍縣尉吳郁書天寶九載庚寅立稱卧禪俗姓辛氏名順忠隴西狄道人隴右按察使崔昇進奏住河南開元寺右脅而卧諸漏已無開元中詔隴右節度使張守珪爲就寺造淨土堂故爲銘自河隴沒於羌夷州縣城郭官寺民廬莫不毀廢唯佛寺與碑銘文字載佛寺者往往多在世皆以謂四方幽遠殊類異俗不知禮義出

元豐金石跋尾

六學古齋校本

於天性故夷之然其於佛皆知信慕以其有罪福報應之說余以謂四夷雖恣睢甚者及曉之以曲直是非悅且從也固不可謂其天性無欲善之端是以虞夏之世東漸于海西被于流沙朔南暨聲教則能令其信慕者亦非特有佛而已也彼以罪福報應之說動之未若不動之以利害而使之心化此先王之德所以爲盛也

江西石幢記

江西石幢記觀察支使試左武衛兵曹參軍來擇撰大和二年建自採訪使班景倩兼知黔中道爲始判官

已下皆列次姓名後石幢記都團練判官試太常寺協  
律郎李方元撰太和七年建自使檢校右散騎常侍兼  
侍御史中丞裴誼爲始副使已下皆列次姓名續石幢  
記節度掌書記陳象撰光化三年建自使開府儀同三  
司檢校太保兼侍中潁川郡鍾某爲始列副使已下如  
後記續立石柱題名記知節度判官胡順之撰天聖元  
年建自太平興國元年自殿中丞通判軍州事李幹爲  
始至熙寧九年祠部郎中集賢校理葉均

辱井銘

元豐金石跋尾

七學古齋校本

辱井銘辱井有篆文云辱井在斯可不戒乎并下文共  
十八字在井石檻上不知誰爲文又有景陽樓下井銘  
又有陳後主叔寶辱井記云江甯縣興嚴寺井石檻銘  
莫知誰作也歷序隋文帝命晉王廣伐陳後主自投井  
中令人取之驚其太重及出乃與張貴妃孔貴人三人  
同東而上其末云唐開元二十二年三月十七日前單  
父縣令左轉此縣丞太原王已下闕

漢武都太守漢陽阿陽李翁西狹頌

漢武都太守漢陽阿陽李翁西狹頌武都太守漢陽阿



陽李翁字伯都以郡之西狹閣道通梁益緣壁立之山  
臨不測之溪危難阻峻數有顛覆實墜之害乃與功曹  
吏李晏定策勅衡官掾仇審治東坂有秩李瑾治西坂  
鑿燒大石改高卽平正曲廣阨旣成人得夷塗可以夜  
涉迺相與作頌刻石其頌有二其所識一也其一立於  
建寧四年六月十三日壬寅其一是年六月三十日立  
也又稱翁嘗令澠池洽峭嶽之道有黃龍白鹿之瑞其  
後治武都又有嘉禾甘露木連理之祥皆圖畫其像刻  
石在側蓋嘉祐之間晁仲約質夫爲興州還京師得郿  
閣頌以遺余稱析里橋郿閣漢武都太守阿陽李翁字  
伯都之所建以去沉淩之患而翁字殘缺不可辨得歐  
陽永叔集古錄目跋尾以爲李會余亦意其然及熙寧  
十年馬城中玉爲轉運判官於江西出成州所得此頌  
以視余始知其爲李翁也永叔於學博矣其於是正文  
字尤審然一以其意質之遂不能無失則古之人所以  
闕疑其可忽歟近世士大夫喜藏畫自晉已來名能畫  
者其筆迹有存於尺帛幅紙蓋莫知其真僞往往皆傳  
而貴之而漢畫則未有能得之者及得此圖所畫龍鹿

承露人嘉禾連理之木然後漢畫始見於今又皆出於石刻可知其非僞也漢武帝元鼎六年以汧隴西南接於巴蜀爲武都郡及其後始分而爲興州爲成州成州則武都之上祿也郿閣立於建寧五年翕治嶠歛西狹郿閣之道有益於人而史不傳則頌之作所以備史之闕是則傳之亦不可以不廣也

元豐金石跋尾

九學古齋校本

元豐金石跋尾一卷終



宋興五星聚奎歐蘇繩武文運大振於天下而曾子固尤爲歐陽公嫡嗣不特士類見稱卽歐陽公亦曰此吾昔者願見而不可得者也嘗集古今篆刻爲金石錄五百卷不得與趙氏金石錄三十卷並傳豈曾子固賞識反出李易安夫婦下耶始信書之顯晦不可思議也究其收藏之富寵遇之隆讀王震序韓維神道碑可謂贊歎無遺矣東平丁氏迺云曾文定之文價至陳文定而後論定何哉海隅毛晉識

余嘗論東觀餘論力排六一居士集古錄瑕處將謂

元豐金石跋尾

十學古齊校本

吹求無剩矣及閱子固跋中如江紅二三周所李翕之類不得不正永叔之失子曰吾猶及史之闕文也嗚呼今亡已夫蘇子瞻所以痛戒妄改古人文字云晉又識

宋興五星聚奎歐蘇繩武文運大振於天下而曾子固尤爲歐陽公嫡嗣不特士類見稱卽歐陽公亦曰此吾昔者願見而不可得者也嘗集古今篆刻爲金石錄五百卷不得與趙氏金石錄三十卷並傳豈曾子固賞識反出李易安夫婦下耶始信書之顯晦不可思議也究其收藏之富寵遇之隆讀王震序韓維神道碑可謂贊歎無遺矣東平丁氏迺云曾文定之文價至陳文定而後論定何哉海隅毛晉識

古刻叢鈔

黃山壽署



光緒癸未陔月  
重校平津館本



欽定四庫全書總目

史部目錄類二

古刻叢鈔一卷

浙江吳王  
揖家藏本

無寧姑其五錄

明陶宗儀編宗儀有國風尊經已著錄是編前

後無序跋所鈔碑刻凡七十一種漢一後漢一

晉一宋三梁三隋二唐四十九南唐一北宋一

南宋一無年月者六皆全錄其文以原額爲題

無所考辨亦無先後次序蓋隨得隨鈔非著書

也然所載諸碑傳於世者甚罕惟漢建平郟縣

刻石見於隸續漢隸字源唐薛王府典軍李無

古刻叢鈔提要

一學古齋校本

慮墓誌見於金石錄其餘如宋之臨澧侯劉襲

墓誌梁之永陽敬太妃王氏墓誌唐之汝南公

主墓誌尉州刺史馬紆墓誌多與史傳相發明

又載唐人曹汾等別東林寺徐浩題寶林寺及

謁禹廟釋元孚與王驀遊天台詩共七首亦自

來錄唐詩者所未及古人著作託金石以垂於

後然金石有時而銷泐其幸而存者不貴存目

古貴錄其文而後可傳於無窮故洪适隸釋隸續

較金石集古諸錄更爲有資於考證是書撫拾

佚文首尾完具非惟補金石家之闕漏卽讀史  
談藝亦均爲有所裨矣

古刻叢鈔提要

二學古齋校本





古刻叢鈔

玉霄真逸陶宗儀

四四

西漢刻石

字濶六七寸許長短不侔

建平五年六月郡五官掾范功平史石工  
穀徒要本長廿五丈賈二萬五千

長廿五丈賈二萬五千

右西漢刻石廿有九字在永康過紫屏二里許道  
旁乾道丙戌余始得之荒萊中出石三面高卑凸

古刻叢鈔

一學古齋校本

劫刻隨其勢蓋孝哀時刻也建平止四年明年書  
元壽而不載改元月日豈詔未至蜀時刻耶如孝  
獻初平止四年文翁柱記亦書五年之類也其後

僭叛號建平者凡八皆不在蜀  
石勒 慕容堅 慕容德 慕容盛

白馬桑斯 賊王倫 五官掾續漢志謂掌署諸

曹事西京未郭唐為信都五官掾見於後書故知  
其為西漢刻石無疑西漢字世固罕有歐陽文忠

以未之見為恨從劉原甫得銅器款識數字已為  
可寶而不得石刻也今此刻天下漢隸莫先焉乃

不及與集古所錄蓋不幸矣豈無抱道負材之士  
不爲世知如此石者乎可不爲之歎息哉

四

東漢刻石

字方二三寸許

攻此石省三處閣直錢萬二千永元六年

右東漢刻石十有六字在范功平磨崖之西五十

餘步字畫大小不等而筆意精妙去地數寸剝蝕  
甚於前刻模者必偃而可得蜀之漢刻最多此刻  
後尊榘閣記卅有八年其次在第三矣甚可愛也

古刻叢鈔

一學古齋校本

余得前刻後十日小子武仲始見而模本云後五  
年太守晉原李公始爲作屋護之索余考鐫之石  
東萊蔡道書

卅六

漢永初討羌檄

永初二年六月丁未朔廿日丙寅得車騎將軍莫府  
文書上郡屬國都尉二千石守丞廷義縣令三水十  
月丁未到府受印綬發夫討畔羌急急如律令

不馬卅疋驢二百頭日給

右宣和中陝右人發地得木簡一瓮字皆章草朽



敗不可銓次唯此檄完中貴人梁師成得之嘗以入石未幾梁卒石簡俱亡故見者殊鮮吳思道親觀梁簡故賦其秘古堂云異錦千囊更妙好中有玉奩藏漢草榮次新吳出也得其撫本以示余按章草今在世益少唯急就章見在并諸帖所傳耳然急就轉樞失真愈遠官帖章帝皇象索靖等書與張芝叟所珍鶴爵賦又率是贗作黃長睿已嘗辨於東觀餘論然則此檄當爲今章草家第一也米元章淮鱗帖卷內稱章草乃章奏之章今攷之

古刻叢鈔

三學古齋校本

旣用於檄則理容概施於章奏豈小學家流由古以降日趨於簡便故大篆變小篆小篆變隸比其久也復以隸爲繁則章奏文移悉以章草從事亦自然之勢故雖曰草而隸筆仍存良由去隸未遠故也右軍作草猶是其典刑故不務爲冗筆逮張旭懷素輩出則此法埽地矣但檄言討羌歲月與史不合此史誤無疑黃長睿已詳辨不復述乾道庚寅孟秋中休命工鋟板因識其後陽羨張駒書

戎路兼行履險冒寒臣以無任不獲扈從命忙懸情  
無有甯舍傳方反覆胡脩背恩天道禍淫不終厥命  
奉被嘉憲意不自勝南蕃東武亭侯臣繇

世五

墓刻 隸

惟晉元康二年太歲在子承開造斯窰窀丙戶口出  
西左參師曷合宮商是位龜筮易口咸口同吾體爵  
除殞邪惡奔走干祿百福永施後焉

世四

王濛帖

濛死罪諸葛僕射之弟以情料之當非至困者欲斂  
古刻叢鈔 四學古齋校本

其時更無一在者便以下官賤荅之濛死罪

世三

古刻

長一尺許

世二

又

長一尺許

世一

宋故散騎常侍揚州丹楊郡秣陵縣謝公墓

誌

祖瑤字球度琅邪 缺十餘字

夫人琅邪王氏 父頤之字脩年振威將軍東海內



史

父珙字景山給事黃門侍郎散騎常侍光祿勳

夫人太原王氏 父坦之字文度持節都督平北將

軍□□刺史藍田獻侯

宋故散騎常侍揚州丹楊郡秣陵縣西鄉顯安里領

豫州陳缺陽夏縣都鄉吉遷里謝濤字明遠春秋卅

有九元嘉十八年歲次屠維月依林鍾十七日卒其

年九月卅日窆交揚州丹楊郡建康縣東鄉土山里

夫人琅邪王氏七十有二大明七年歲次單閏月□

古刻叢鈔

五學古齋校本

□□十五日卒其年十一月十四日合祔 父靜之

字□壽司徒缺長史義興太守 祖獻之字子敬中

書令 嗣曾孫綽



宋故散騎常侍護軍將軍臨澧侯劉使君墓

誌

曾祖宋孝皇帝 祖諱道鄰字道鄰侍中太傅長沙

景王 妃高平平陽檀氏字憲子諡曰景定妃父暢

道淵永寧令祖 稚巖琅邪太守合葬琅邪臨沂莫

府山 父諱義融字義融領軍車騎桂陽恭侯 夫

人琅邪臨沂王氏字韶風父簡長仁東陽太守祖穆伯遠臨海太守合葬丹徒練壁雩山軍所生母湯氏宣城人葬練壁雩山弟兄覲茂道散騎常侍桂陽孝侯夫人廬江瀕何氏憲英父愉之彥和通直常侍

祖叔度金紫光祿大夫合葬練壁雩山弟第三弟彪茂蔚秘書郎葬江口口口口口夫人河南陽翟褚氏成班父方回太傅功曹祖叔度雍州刺史弟第四弟口口軌太子舍人夫人琅邪臨沂王氏淑婉父津景源中書郎祖虞休仲左衛將軍口口江乘白山弟

古列叢鈔

六學古齋校本

五弟季茂通海陵太守葬練壁雩山 夫人陳郡陽

夏口氏妙口父淑陽源太尉忠憲公祖豹士蔚丹陽

尹弟第一姊茂徽嬾陳郡長平殷臧憲郎父元素南

康太守祖曠思泰口軍功曹重嬾琅邪臨沂王閔之

希損鎮西主簿父昇之休道都官尙書祖敬宏左光

祿儀同弟第二姊茂華嬾廬江瀕何求子有口書郎

父鎮長宏宜都太守祖口之彥德司空簡穆公弟

三姊茂姬嬾平昌安邱孟詡元亮中軍參軍離父靈

口太尉長史祖昶彥遠丹陽尹弟第四姊茂姜嬾蘭



陵蕭惠徽中書郎父思話征西將軍儀同三司祖源  
之君流前將軍 第五妹茂容媿蘭陵蕭瞻叔文父  
斌伯禱青冀二州刺史祖摹之仲緒丹陽尹重媿濟  
陽圍蔡康之景仁通直郎父熙元明散騎郎祖廓子  
度太常卿 第六妹茂嫻媿濟陽考城江遜孝言父  
湛徽淵左光祿儀同忠簡公祖夷茂遠前將軍湘州  
刺史重媿琅邪臨沂王法興驃騎參軍父翼之季弼  
廣州刺史祖楨之公幹侍中 夫人濟陽考城江氏  
景媿父淳徽源太子洗馬祖夷茂遠前將軍湘州刺

古刻叢鈔

七學古齋校本

史 第一男曰長暉出後兄紹封桂陽侯 第二男  
厚淵高拜臨澧侯世子 第三男嵩淵華 第四男  
量淵邃出後第四弟寔 第五男曰淵領 第六男  
晏淵平 第一女麗昭 第二女麗明 第三女小  
字僧歸亡葬□□

宋故散騎常侍護軍將軍臨澧侯劉使君墓誌

君諱襲字茂德南彭城人宋高祖武皇帝弟景王之  
穆也神姿韶雅風譽夙懋弱冠拜秘書郎逮二凶肆  
禍人倫道消君身離幽執僅免虎口事清還復舊職

以母憂去官既除又拜秘書郎轉太子舍人自升  
二宮令望允緝出爲鎮蠻護軍廬江太守莅政平簡  
聲績兼著遷明威將軍安成太守屬中流構豐四表  
迷逆君英議獨發招會如神故能以一口之旅剋濟  
忠節義超終古誠冠當今皇朝欽嘉爵賞取榮除輔  
國將軍郢州刺史封建陵縣開國侯俄徵太子右衛  
率加給事中未拜遷侍中冠軍將軍改封臨澧縣開  
國侯鎮肅石頭實當關要之寄遷左衛將軍未拜仍  
除中護軍春秋卅有八泰始六年三月十日薨於位

古刻叢鈔

八學古齋校本

聖主嗟悼朝野傷悲有詔故中護軍臨澧縣開國侯  
志行貞純才用理濟忠勤著於艱時勲績倡乎泰運  
年志始壯奄焉凶折悲傷惻割實兼常懷思加寵數  
以申哀榮可贈護軍將軍加散騎常侍口如故謚曰  
忠侯粵五月廿七日庚寅將葬于琅邪之乘武岡以  
悲幽明之殊隔傷一訣而永分仰清徽而攬淚憐元  
石而裁文其辭曰

峩峩口口山岳效靈允矣君子誕膺休禎支蔭帝宇  
締慶文明德以行高仁與口口口華二宮官政兩服



國步時屯艱難斯屬忠則忘家義實光族朝廻欽庸  
以□□□□望旣歸□寵惟□或侍帝言或司蕃戎  
方宏乎美□□家邦如何不□□□躬□芳稍述  
日月有時考辰筮吉元堂啓基湫泉永歿□□長悲  
□□□□□□□□

宋張氏墓誌

宋故臨渭縣侯湘東太守張府君諱濟夫人邱氏諱  
靜姬第三女推兒春秋卅有一亡於偏憂元徽元年  
十月甲辰十七日庚申權假窆於西鄉

古刻叢鈔

九學古齋校本

遠葉蘭飛浚源璇潔履順早辰含章妙歲選史圖容  
循詩範節皎鏡冬泉優柔春蕙滿北任行營東慙藝  
冥昧慶善宵翳壽仁泣血賢性團憂殲身罷景方旦  
摧華載春壠木已藹墓草行陳朱火幾爛元夜無晨

石佛識

齊永明二年甲子太歲甲子四月廿日弟子紀德眞  
爲亡弟僧惠敬造釋迦石像追往悼心泣淚友愛願  
僧惠齊神離苦永與福會七世亡靈同生淨土見在  
眷屬長保吉□家門雍睦子孫昌熾願願果遂亨善

無窮

使蜀於涪陵喪思寺就穎法師造

碑

康王神道碑

康王神道碑

字長五寸許

十三

故永陽敬太妃墓誌銘

尚書右僕射太子詹事臣勉奉

敕撰

永陽大太妃王氏琅邪臨沂人也其先周靈王之後  
自秦漢逮於晉宋世載光日月儀相屬既以備于前  
志故可得而略焉祖粹給事黃門侍郎父儼左將軍

古刻叢鈔

十學古齋校本

司馬尋陽內史並見稱時輩太妃體中和之氣稟華  
宗之烈蹈此溫恭表茲淑慎孝敬資於冥發仁愛口  
於自然至乎四教六訓之閑工言貞婉之德無待教  
成罔不該備故景行著于中口淑問顯乎言歸作嬪  
盛德實光輔佐親縫幕之用躬服澣之勤及早世釐  
居遺孤載藐提攜撫育逮乎成備斷織之訓既明闔  
門之禮斯洽劬勞必盡曾不移志用能緝睦于中外  
亦以宏濟乎艱難雖魯姜之勤節曹妃之敬讓方之  
幾如也皇業有造殷憂啓聖追惟魯衛建國永陽恭



王纂嗣蕃號式顯廼拜爲太妃策曰維天監二年六月甲午朔十日癸卯皇帝遺宗室員外散騎侍郎持節兼散騎常侍蕭敬寶策命永陽王母王氏爲國太妃曰於戲惟爾茂德內湛米範外昭國序凝芬蕃庭仰訓是用式遵舊典載章徽服往欽哉肅茲休烈可不慎歎備禴瑱之華而降心彌約居千乘之貴而處物愈厚旣而恭王不承禮從口口訓導嗣孫載光榮社年高事重志義方隆宜承綏福履而奄奪鴻慶以普通元年十月廿三日遭疾十一月九日己卯薨於

古刻叢鈔

士學古齋校本

第春秋五十有九詔曰永陽太太妃奄至薨逝哀摧切割不能自勝便出敘哀可給東園秘器喪事所須隨由口辦祖行有辰式宏茂典又詔曰故永陽太太妃禮數有殊德行惟光訓範蕃嗣式盛母儀卽遠戒期悲懷抽割可詳典故以隆嘉謚禮也粵其月廿八日戊戌耐瘞于琅邪臨沂縣長于里黃鶴山用宣風烈以昭弗朽廼爲銘曰

清瀾悠邈其儀尙矣龍光疊照風流世祀猗歎罔匱於昭不已誕資仁淑作嬪君子幽閑表操明德自躬

推厚處薄秉默居冲參差採笔揜映言工鑿昭形管  
識懋休風凝芬載湛芳猷允塞徙舍爲訓止閭成則  
曹號母儀豈伊婦德穆茲閨闈形于邦國龍飛集運  
禮數攸鍾憲章盛典車服有容泰而愈約貴則彌恭  
蕃社方茂纂嗣克重巾帚差池朝夕咸事雖曰任傅  
永請斯備是惟仁姑厥德可庇恂恂濟濟蘭芬瓊秘  
光陰易晚祺福難留闈儀罷映綸華奄收奠遷朱邸  
駕指行楸芳口是勒大口方攸



上清真人壇碑

古刻叢鈔

士學古齋校本

上清真人壇碑  
寸許  
字長三



孝敬寺刹下銘

并序

宗士標造

夫妙覺靈遠隨方應現衣瓶影迹資以護持髮爪齒  
牙咸能利益孝敬寺者公上礎爲亡母楊叔女之所  
立也波斯請生悲號靡曠日禪觀晝泣血寧追隨以  
三從之居建爲伽藍之地舊井無遷喬木猶存前瞻  
綺陌卻背青門寶殿霞臨長廊霧繞寺初欲暨刹導



倉令鉏曇誕忽有雙舍利降之放光滿室止取得一  
舍利瓏訖就曇誕云已奉送還臺於御前分身爲六  
後數日中夜忽聞鐘鳴驚視復得一舍利寺主倩法  
師夢人謂之曰法身尋降俄而曇誕送舍利并諸處  
所送其數有八大同六年太歲庚申五月十五日壬  
戌建刹四眾圍繞歌唄成羣綵鳳珠幡含風曜日與  
大地而長存隨賢劫以永久乃作銘曰  
冥智絕境應有權歸譬空無迹指日齊暉寶舟潛運  
法雨隨機分形散體調御歸依聿造應真規摹踊現

古刻叢鈔

三學古齋校本

雕飾彪炳丹青葱蒨寫彼金園圖茲紺殿猗歎清信  
惇孝斯在追慕愷風安親慧海福善隨積薰脩無改  
陵移谷徙暑往寒來衣衲貞石池變淡灰長辭八難  
永離三灾衆生有盡誓願無回

又志

梁大同六年太歲庚申五月十五日壬戌菩薩戒弟  
子公上瓏奉爲亡母口口女捨所居宅口僧伽藍皇  
帝口賚名孝敬寺願諸佛菩薩龍天口神常加護衛  
寺舍安立僧眾口口證明弟子瓏建立功德藉此善

根七世久遠眷屬冢墓寧貼口亡殃歿永使斷絕同  
生口方無量壽國沐浴口口口口口通寤无生忍六  
道四生皆得解脫共登菩提入正覺路現世兒孫長  
幼並願安隱無餘煩惱鄣碍口中妙願皆悉果遂

知寺事口口釋法精

十四

前陳伏波將軍驃騎府諮議參軍陳府君墓

誌序

儀同三司周彪撰

君諱誦字孟和潁川許昌人也鴻基浚序有虞之苗  
口若夫姚墟誕聖媯汭降神四門穆穆八表光禪商

古刻叢鈔

西序古齋校本

均不嗣周聳胡公封建于陳因口命氏鴻臚元方榮  
書魏冊徵士季方高著先賢自下蟬聯並鞏繡言史  
祖僧亮神情淡遠素風高奇齊輔國府行佐父敬風  
儀峻懃雅有綱格歷至前梁儀同君幼而聰敏長而  
好學博覽百家漁獵九部懸梁刺股手不釋書天才  
儁拔思若有神文章口口動成部帙景純五色之筆  
江掩用之麗藻王充五行俱下都市稱爲口口有集  
廿卷爲世所重起家爲岳陽王雍州西曹轉府記室  
梁國蕃周將佐送款武成元年授帥都督衛州東征



王師失律軍潰陷陳同旅督將七十二人並囚俘檻  
屬陳相王曇頊初秉朝政虐示國威縱情好煞於望  
國門並害諸士君於刑所附啟自陳蒙荅貫死漏刃  
獲生俄而釋禁策名預官授招遠將軍加伏波將軍  
俄遷驃騎府諮議口國云亡總管秦王招賢募士迎  
還并州客禮厚遇辭老還鄉第二息孝騫昆季男女  
久違膝下忽奉慈顏悲喜不勝如從天落相率盡養  
日膳常珍則儀狄九醞何曾百品恣口釋心意恬如  
也同畢卓之酣歌慕阮孚之任放達無遺有識假歸

古刻叢鈔

五學古齋校本

眞所製終制非秦始之高墳是王孫之羸葬乃遺命  
送終唯令儉薄不許立銘開皇廿年九月廿四日卒  
於檀溪里時年七十六五男五女男則孝悌著聞居  
喪過禮女則柔和顯稱婉婉聽從以其口口十二月  
丙辰朔十八日癸酉歸葬高陽鄉之舊山式鐫序誌  
用傳不朽



碑陰

君第二叔爽字寶明州祭酒從事 妻太原王氏

第三叔子暢字彥舒法曹從事 妻滎陽吳氏

第五叔孝選字祥敷梁鎮北府法曹參軍使持節  
驃騎大將軍開府儀同三司江口口口妻  
故章施氏並未入此山

第二弟言字仲厚

第三弟諱字季辯未入此山 孝騫所生李夫人

長息孝柴早亡未入此山 第二息孝騫字裕閔

第三息君卿字國護 第四息曜口字宏奐

第五息五敏字稚文 第六息思岫字幼集

長女禮閨適梁故儀同郭仲方息元預

古刻叢鈔

六學古齋校本

第二女藏閨適陽平郡守大都西門忠息瑱

第三女敏閨適明威將軍文昇

第四女四閨適江東長沙王府法曹參軍王不嚴

第五女善才心願出家安居大嚴淨寺

君妻琅邪諸葛氏

十一

江夏縣緣果道場七層塼塔下舍利銘記

夫至理空冲尋求之源悠緬法身寂怕無方之應奄  
臻至如花疊未然駐影留髮香薪已燎散體分形故  
有寶塔珍龕罪鬼四圍之上雲興地踊照曜八國之



中俾我聖迹未之湮墜緣果道場者梁天監十二年  
大歲癸巳長史劉端捨宅爲寺有命過僧歸闍梨盡  
心建造闍梨降自江口氏族未詳戒慧總持甚有靈  
驗於是鴻基勝趾締構日新三業薰脩七財具足以  
今大隋大業九年昭暘之歲江夏縣緣果鄉長劉大  
懿等遵依敕旨共三鄉仕民奉口口齊興道場七層  
磚塔一所安鎮此地次有清信弟子黃慧譎慧俊慧  
達等兄弟並德口佳雅難兄難弟誓立五根願宏四  
事於所住宅福瑞累彰亡父於大業三年二月乃於  
食內感舍利一枚大小相歡觀茲希有安止水器且  
浸且浮旋遠久之光明遍室頂戴虔禮日申供養到  
七年正月俊女雞娘又感三枚斯實迹現難思抑聞  
圖籍次有弟子李藥王信首宿馳賢才簡疋雖室無  
瑞井手闕金錢每用放濟居心傾捨爲業以開皇廿  
年行至常州境感舍利一枚到大業五年於所住宅  
又感三枚昔者阿難捧函如來讚其希有康會瓶寫  
吳主嗟其神異詢諸經誥今古同符以今季夏六月  
八日奉送散身永窆基下眾緣贊助普設大齋方俟

古刻叢鈔

老學古齋校本

七級巍峩接霄房而颺采九盤煜曜寶鐸韻而流聲  
上資帝朝爰泊遐邇設使芬盡方城五分之身常住  
石銷天袂金剛之地嶷然敢忘議善乃爲銘曰  
茫茫宇宙悠悠世閒九地銜海四口口山三塗有獄  
五道無關魂隨動泊誠口循還至聖何像嶷爾悵怕  
示現無方迦維垂迹等救燒燃通悲幽溺息衆權城  
椎輪火宅八十化盡天人喪師撫膺雨淚香水口毗  
四王典護八國均持機緣靡隔靈祥俟時坊墳式建  
層表臨空非因鬼力詎假神工金盤仰露寶鐸搖風  
山移川徙徽業興隆

古刻叢鈔

六學古齋校本

八

大唐故汝南公主墓誌銘并序

公主諱字隴西狄道人皇帝之第三女也天潢疏濶  
圓折浮夜光之采若木分暉穠華照朝陽之色故能  
聰穎外發閑明內暎訓範生知尚觀箴於女史言容  
成則猶習禮於公宮至如怡色就養佩舂晨省敬愛  
兼極左右無方加以學殫綿素藝兼罄絜令問芳猷  
儀形闈闕△年△月有詔封汝南郡公主錫重珪瑞  
禮崇湯沐車服徽章事優前典屬九地絕維四星潛



曜毀瘠載形哀號過禮繭纒不襲壇酪無茲灰瑄亟  
移陵塋浸遠雖容服外變而沈憂內結不勝孺慕之  
哀遂滅傷生之性天道祐仁奚其冥漠以今貞觀十  
年十一月丁亥朔十六日

故祭酒崔十八丈綽常與冠章賀拔基皆以鑿闕  
相尋每稱伏膺虞書多歷年所自會昌已來時親  
斯帖因致其真隸有加頃年崔丈每送余弟兄下  
第東歸必云此去獲見汝南帖其何滅於昇第耶  
所惜者闕其銘文耳咸通三年春於存神室輟獻  
古刻叢鈔

子凝良足牆愛也幾元

虞書世所傳者孔廟記耳此帖遂可抗行河東薛

紹彭題

大唐故陪戎校尉崔府君墓誌銘 并序

君諱相清河人也神農之苗胄太公之允緒原夫魚  
吞呂鈞應同載以歸周龍躍崔津表嘉名以誕慶曾  
祖瓌隨任鄭州司馬祖罔父觀隨任豪州錄事參軍  
或六條布政揚至德以宣風或千里輔仁翊公平以  
闡化君高門華緒閒氣清姿倚桐吸日月之光松柏

挺風霜之節方冀南山錫壽永駐頽齡北帝遊魂先  
悲過隙嗚呼哀哉以開元十年二月廿一日終於私  
第春秋六十有八夫人丁氏蘇氏李氏並母儀婉順  
婦德惠和移鄰之慶早彰舉案之驩夙備庶期千月  
壽保百齡冀椿鶴而齊年奄菌斲而等謝越開元十  
年三月八日台耐於村西北二里平原禮也左榮澤  
右成阜峨峨飛嶠鎮其前滔滔黃河灌其後嗟乎玉  
樹雙埋金聲兩絕白日杳而三千歲黃泉淡而幾萬  
重悲風起而松柏哀淒露泣而蓬蒿泣嗣子待賓等

古刻叢鈔

三學古齋校本

瞻天靡訴扣地無追長縈銜索之悲永結殮荼之苦  
銘曰

東光不駐西影彌催崑山玉碎蘭苑香摧元宵易掩  
白日難開母儀夙備婦德早彰匣中劒折鏡裏鸞亡  
乾坤載合琴瑟重張森森翠柏騷騷白楊千秋播馥  
萬代流芳

二

大唐故忠武將軍行薛王府典軍上柱國平

棘縣開國男李府君墓誌銘 并序

工部員外郎賈彥璿撰



君諱無慮字忠脊隴西人也昔月貫于昴咎絲誕而邁德氣感流星伯陽生而啓聖惟彼降瑞因茲命氏曾祖貴隨大中大夫延州刺史涼國公皇降封隴西公任切分憂寵加勞理朱旗映日皂蓋生風屬隨室道喪我唐天啟疇庸錫襲俾崇舊勳封以隴西昭其業也祖斌皇銀青光祿大夫隰吉二州刺史襲封隴西公□□高□御下以寬洗憤清心不言而理襲封本郡昭其祚也父□道皇金紫光祿大夫汾州刺史股肱之郡公輔之材克著政□尤□人望遷鎮軍大

古刻叢鈔

三學古齋校本

將軍左驍衛大將軍上柱國襲封隴西郡公武庫森森縱橫矛戟智囊□□□風雲煥乎鉤陳設在蘭鐙乃祖乃父自公自侯昭其貴也君衣冠奕世禮樂□賢慶藹炳靈光昭茂緒大君有命入衛天和階□□呈祥仲由負三軍之勇□領標異班超封萬里之侯弱冠於清邊軍立功授游擊將軍左衛長上明略經濟雄心英果剋清祿孽飲至天庭師出以臧功宜上賞朱紱斯曜可不偉歟無可轉授鄜州鞏川府右果毅時關內按察使強以君幹蠱奏攝會州司馬

又改授同州洪泉府左果毅仍令長上一貴一賤喜  
愠不形於色或出或處寵辱無戒於懷位□題輿□  
申麗統名參都尉負屈曾洪有救差充□野軍副使  
舉不失德勤不告勞展充國之務農輟楊雄之執戟  
軍儲是給□馬賴焉尋爲太原節度使李勗奏授薛  
王府典軍蔽扞雄城趨侍□□每入招賢之觀時陪  
樂□之遊習習雄風和而扇物粲粲□□寵而益□  
青春始華元夜闕景歲不我與天奪其運以開□十  
七年五月七日終於靜恭私第春秋六十有二以其

古刻叢鈔

主學古齋校本

年六月十一日歸葬於萬年縣神禾舊京陪先塋禮  
也嗚呼哀哉賢王端憂故人啜泣垂天之翼必鏤於  
紫霄經國之材俄辭於白日遂使瑤林瓊樹瘞松草  
於佳城龍章鳳姿沒風煙於□□嗣子□庭等孝履  
增感攀號無訴恭陳遺事俾刊豐石銘曰

公侯之子兮累代其昌河岳之秀兮爲龍爲光克岐  
克嶷兮發言有章立功立事兮厥政其芳天何爲兮  
速罹其殃哲人萎兮爲代所傷飛旒翩翻兮出帝鄉  
素車逶遲兮面龍岡閉以大隧墜於便房勒勳鍾鼎



畫像旗常日黯黯兮愁欲暮風蕭蕭兮悲白楊



井識

闊六寸許

韓公井

在驛東廿步楚昭王廟西神嘗恡焉古今莫敢窺者近日山南採訪使韓公誓責其神親酌而飲自爾汲者一無災癘遂號韓公井



唐徐氏山口碣石題刻

至德二年在鳳翔制應扈從口中書門下□□□上各贈父祖一人官□□□□任中書舍人兼尚書

古刻叢鈔

至學古齋校本

右丞集賢殿學士正月廿八日制贈公尚書吏部侍郎及上還京廣德元年八月廿一日制復贈公嗣子故銀青光祿大夫洛州刺史上柱國嶠之左散騎常侍洛州府君歷典趙衢豫吉湖洛六州開元廿四年薨葬于洛陽石橋東北十里浩自吏部侍郎貶明州別駕歸鄉拜埽換山口碣石題此額象仍錄贈官其敕詞並存於別記云

大歷九年歲次甲寅十月丁卯朔六日壬申刻

曾孫朝散郎前行河中府永樂縣尉瑄模勒

姪孫璟檢校隴西李坦然鐫



題詩

五言寶林寺作申會稽公徐浩

茲山昔飛來遠自琅耶臺孤岫龜形在淡泉鰻井開  
越王屢登陟何相傳詞才塔廟崇其顛規模稱壯哉  
禪堂清澗潤高閣無恢哀照曜珠吐月鏗轟鐘隱雷  
揆余久纓弁末路遭遘迴一棄滄海曲六年稽嶺隈  
逝川惜東駛馳景憐西頽胥帶愁疾減容顏哀悴摧  
賴居茲寺中法士多壞能洗心聽經論禮足蠲凶災

古刻叢鈔

孟學古齋校本

永願依勝侶清江乘度杯

謁禹廟一首

賦滄敷四海川原滌九州既膺元圭錫乃建洪範疇  
鼎革固天啓運興匪人謀肇宅土業永庇昏墊憂  
山足靈廟在□前清鏡流象筵陳玉帛容衛儼戈矛  
探穴圖書朽卑宮堂殿脩梅梁今不壞松栢古仍雷  
負責故鄉近竭來申俎羞爲魚知造化歎鳳仰徽猷  
不復聞夏樂唯餘奏楚幽婆娑非舞羽鏜鞳異鳴球  
盛德吾無閒高功誰與儔災淫破凶曆祚聖擁神休



出谷駕初語空山猿獨愁春暉生草樹柳色暝汀洲  
恩貨題輿重榮殊衣錦遊宦情同械繫生理任桴浮  
地極臨滄海天遙過斗牛精誠如可諒他日寄冥搜  
李坦然模勒并鐫

二詩舊以一石反覆刻之爲好事者持歸京師今  
在宣獻宋公家僕領浙東從次道得刻本命筆史  
摹傳畱賓郡齋然亦不能盡得其真熙寧己酉秋  
七月辛未精思堂西軒題



唐故鄆州武陵縣令博陵瞿府君墓誌銘

古刻叢鈔

孟學古齋校本

府君諱令

圭

其先本博陵越人也蓋帝譽之未裔

□□□□晉永嘉二年遷于南楚曾祖詮皇長沙  
縣令大父□□□□軍考曰智皇國子助教  
纂承儒業□□□□向二百年□□夫人南陽張氏  
世傳冠蓋奕葉簪纓府君則國子監助教第二子幼  
而孤天□□□弟更相誨訓未嘗住師□歲業成各  
登□第府君以□□□解褐曹州棗氏縣□□□  
仕標□邑□□元年遷峽州長□□□百里稱賢頌  
□□□大歷□□□安州雲夢守節奉法猾吏秉心

貞元歲授朗州武陵去獸逾□逋亡□□從官四任

□政大夫以□□字人□稱其善公庭訟息□館□

□慎始令終府□□武陵謝秩東告于歸南維舟

眾人瞻仰凡廿八載守道□仕何圖皇天不弔降此

哀禍嗚呼元□何昧□□材賢時貞元十二年龍集

□子三月遭疾七月庚寅□于□縣私第夫人虞平

程氏令淑有聞威儀組紉敬事□先姑□□□以大

歷年先府君而終府君享年七十有八有子三人長

曰俶官至左衛兵曹參軍次子侄鄂州武昌縣尉少

古刻叢鈔

文學古齋校本

曰召□州□□縣尉孤子俶等□茶淚血號訴聞天

視庭戶而蕭條觀空堂而寂寞長幼孤露一門無恃

以其年十月四日遇青□之吉歸祔于鄂州江夏縣

長樂鄉順化里黃鶴山西□之原禮也孤子俶散□

亂□號泣□銘謹以爲誌銘曰

於戲□□□著則一積善于家肅穆清華二克儉

克勤榮祿□親其四從歷□一門承蔭四天道何昧

降斯災害五神道胡欺邁此禍□六冀□眉壽皇天

不祐七庭闈蕭索孤幼無託八驚魂慘色哀號罔極



其九痛割心腸仰許穹蒼其壽堂徑啓遵其經禮十一

□□土□刻□古孤子劬述并書



唐故甯遠將軍守左金吾衛大將軍隴西李

公墓誌銘 并序

從姪鄉貢進士藝通撰

夫爲淳源支流一派後楫先軌者蓋紐宗子相襲焉  
由是士□時望扇扇和風昔附載簡書何必獨於前  
聞也公諱宗卿字同系臨汝郡人曾祖蘭州刺史日  
周祖朝散大夫嘉州麟遊縣□瑱考朝議郎泗州虹  
古刻叢鈔 老學古齋校本

縣尉援本以敦序□祖公訓於孫忠孝□時衣冠及  
位公遁亮取時宏性測梅勵躬祇虞克事滯窮固能  
并仁緝家兼難濟國摻節倅摺掩義爲紳常以顯□  
□□隱融清猷與友生評談志非苟進會干道並泰  
則何宦而□□自輩武崇階搃兵六郡樹勳江佐恩  
旌一門□□宗族處朝襄交在位隲伺內薦冀平政  
名中年達身□人所貴而公植其風忽遺其命也時  
貞元十三年歲次丁丑□二月二十九日終於夏口  
官舍嗚呼春秋六十有二夫人汝郡康氏毀躬勸號

殆不全性長子德方次子直方宏方季子幼方等主  
奠彌天哀罹若滅長女適於河南元氏先公之淪次  
女十六娘已許於天水趙氏幼女十九娘歸於釋門  
皆茹泣貫心□於感巷以是年夏五月十一日權殮  
子長樂鄉黃鶴原西山之陽禮也於戲條榦挺空而  
見摧君子不幸於中□所以□□旒將必竭於生  
誠藝通忝殊眷孟伯之子恭命爲詞□□□敢不  
殫於瓊述銘曰

杳杳邃氣澄澄汪容自仁其性節已惟邕顧巖作度

古刻叢鈔

文學古齋校本

□□□□其一噫云夢奠倏歎頽梁隳輪阻轍彫翩沉

翔代□馳□□□彰<sub>其二</sub>曙興神輦告赴原塋却負

山勝前據郊平□□哀□□□至情<sub>其三</sub>

卅 唐故許氏夫人祈氏墓誌 并序

夫人字芳太原人也先伊耆氏之冑封爵列位皆附  
舊史故隱顯不言因遠祖居毗陵今爲毗陵人也祖  
觀父昇並高尚雲林獨立不懼積慶儲趾是生夫人  
夫人即昇之長女也年始初笄歸於許氏輔佐君子  
協和中外其儀可範其德可大貞順模於九族婉婉



美於當代嗚呼上天而假其德不假其永世之壽是  
足可悲以貞元廿年七月三日寢疾卒於口孝鄉唐  
昌里之私第春秋五十有二以貞元廿一年孟春月  
三日安厝於震澤里之原禮也夫人生二子長仲宣  
次仲康並哀疚悚心窮號泣血懼山谷之遷變乃勒  
刻石而爲銘

振振夫人有德有操積爲善慶自己所蹈彼蒼何偏  
而不斯報口口口吉永閉荒口二子泣血罔極昊天  
慮日月之口遷乃刻銘於墓前

古刻叢鈔

孟學古齋校本

鄉貢明經李師聖述

五

大唐故太白禪師塔銘

并序

胡約述并書

學鍾

禪師法號觀宗得姓雷氏東陽人也世積貞隱元泯  
不耀初尊夫人夢吉祥天女引行摩利土宮而娠太  
白焉口有善護懷月不薰不腥肌窈彌澤藏珠川媚  
蘊玉方流至寶處而殊倫至人出而體別異香襲乎  
襖襟童顏清乎冰雪文字進誘偏聰佛經滋味筵之  
但甘鹽素年至十二懇求出家如哀者欲淚不可遏

也昔太子逾邁甯辭父王香爲頓騰擺落羈絆乃登  
秦望山禮善惠禪師求無上法一見竒秀如會宿心  
舊徒門階新我堂室服勤左右道務精微初受楞伽  
思益等經便入禪宗性海然後波瀾秘藏不習而了  
其功文字有窮生知莫際囊鉢衣衲遐求戒珠便往  
南岳禮制空禪師稽首論心演通秘奧菩提樹上汝  
得新枝師子座前詎量高下祖師傳教南北一十二  
人今牛頭山中禪師是最後者遠將啓慕研復具言  
以心印心以法證法且無別心寧有差夫大善無

古刻叢鈔

三學古齋校本

脩頓了無入二際清淨佛何閒然禪師兒出常倫挺  
秀八尺時牛頭法衆欲近万人無礙辨才□□瞻仰  
彼土緣盡思歸太白上方務安靜也不遊京國遠名  
利也肩不關楯示無畏也常有兩虎依臥庵前低目  
輕步馴於家畜四境之內不聞暴聲我蘊大慈力感  
羣物諸毒皆善豈唯獸焉山雖高深不能隱其大德  
遠近禮謁如川之流故明州刺史王公術故明州刺  
史李公岑故劔南東川節度行軍司馬檢校戶部郎  
中任公侗故明州刺史盧公雲前後皆駐騎雲根稽



求上法飢渴無量虛往實歸每有異香聞者非一鳴  
呼孰謂法梁將壞殷若舟沉元和四年八月十五夜  
跏趺化滅享齡七十九僧臘卅九以其年十月一日  
權閉於太白峯南先意也州尊邑尹祭奠交衢繇素  
齋口幢幡翳野慈雲聚而還散定水咽而更流猿鳥  
悲吟聲慘風雨物感如此人哀可知抵元和乙未歲  
建層龕邇於多寶佛塔依像法也門人口海法常道  
眞明徹惠見光獻元徽清瓊元悟等皆承師教戒定  
慧雙脩恐劫火重然嵐風碎岳請銘大德於無朽文  
古刻叢鈔

字學古齋校本

曰如來示滅教留秘法言說非傳清淨即合火鏡陽  
照山空響答其眞乘無相妙覺無形三界上界前生  
下生月虧魄隱冰泮流清哭之香塔徒傷有情 □

□□力季文鐫



唐故江南道觀察判官監察御史裏行太原

王公墓誌銘 并序

表姪前諸道轉運推官將仕郎

試大理評事許志雍撰

公諱叔雅字元宏太原祁人也其先食采於祁因邑

命氏軒蓋蟬聯奕葉口茂忠貞孝友史不絕書素風  
懿範繼華紹烈誠有國之柱石爲令族之領袖五代  
祖祐周驃騎大將軍開府儀同三司光祿卿隋拜司  
空兼中書令諡曰忠烈忠烈生皇朝比部郎中資州  
刺史師感公之高祖也資州生朝請大夫澤王府司  
馬清源縣開國男守節公之曾祖也清源生渝州刺  
史贈懷州刺史口一公之王父也懷州生金紫光祿  
大夫試秘書監兼御史中丞衢州刺史贈揚府大都  
督諱承俊公之先考也以中書之勳烈比部之令望

古刻叢鈔

至學古齋校本

清源之宏茂懷州之懿德中丞之雄邁世濟其美慶  
鍾後昆公即中丞第四子也弱不好弄幼而能文一  
見不忘有類王充之敏五行俱下不慚應奉之才爲  
善孜孜小心翼翼恭敬以奉上篤愛以臨下接士必  
盡其材脩己不疵於物於是鄉里揖其仁朋友伏其  
義時秘書郎嚴維有盛名於代雖以公年幼交契老  
成若蔡邕才重拔王粲於弱齡李膺望崇歎孔融於  
稚齒嘉其至性敦重機口淡邃每器而厚之時攜幼  
弟適郢乃賦詩以贈云萬里天連水孤舟第與兄時



屬而和者連郡繼邑染簡飛翰暮月不息繇是聲華  
籍甚於公泐閒郡舉進士纔及京師動目屈指傾蓋  
結轍爲禮部侍郎劉太真深見知遇再舉而登甲科  
浹辰之間名振寰宇俄爲山南東道嗣曹王臯辟爲  
從事丁太夫人憂服闋調補左衛率府兵曹參軍環  
衛望高以優賢也未幾爲嶺南連帥韋公丹舉列上  
介表遷左金吾衛兵曹參軍蓮府才雄軍門瞻重每  
口徐孺之榻獨奪陳琳之筆屬本使節制東川府幙  
遂散邀公獨行奏遷延尉評兼監察御史府公再遷

古刻叢鈔

三原古齋校本

慈晉俄領江西復隨鎮拜監察御史裏行以南康缺  
牧假行刺史事盡閩里之情祛疲繭之疾人得歸厚  
吏不敢欺歲月之間口口增口復口臨川口南郡之  
理仁風所被清議攸彰無何寢疾經時沉痾以元和  
四年正月七日告終於洪州南昌縣之官舍春秋五  
十有五嗚呼哀哉以公之孝可以動神明以公之忠  
可以口社稷以公之德可以反澆漓以公之仁可以  
厚風俗有一於此則爲全人況其口者乎奈何天不  
與善奪口重器民不幸歟時不幸歟夫人河東薛氏

故禮部侍郎□之女族謂清門家稱令室以□謙睦  
中外以端□奉□□公以伉儷之重加於人一等如  
賓之敬禮若常林居家有恒情如顧悌由是時論多  
之有一男一女男曰高陽女曰吳婆皆在孩幼哭無  
常聲公雖臨郡佐幙以清潔自約祿俸所入皆均親  
愛故不勝其貧轎車既還亦無以犇于時□南西道  
連帥御史大夫韋公丹以公賓四府始終如一感歎  
追舊情均支屬賻貲百金加以將校護喪聞者伏其  
高義以其年十月十三日歸窆京兆府咸陽縣之延  
陵鄉耐先塋禮也此志雍親同懿屬義比斷金見記  
斯文銜哀永歎銘曰

古刻叢鈔

孟學古齋校本

汪汪王公德門之秀儒宗賢士茂族華胄忠爲信臣  
義稱良友器逾瑚璉人推領袖何備其能不豐其壽  
嗚呼哀哉歲月云邁言歸鑄京綿歷舊遊想像襟情  
條已終古閉於佳城蒼莽日落蕭颯風驚寒原故里  
丹旄新塋嗚呼哀哉盛德無窮傳今與昔闕於元壤  
斷茲貞石陵谷是遷令問不易泣下漣洏氣填胸臆  
嗚呼哀哉

猶子鄉貢進士楚卿書





大唐扶風馬氏墓誌銘 并序

廿三娘郎郎姪姪扶風人也故侍中太原尹子曾王  
 父故太子諭德兼兵部郎中子大王父故鄂州州從  
 事子之先父也子生於瑀貂之家育在紈綺之室笄  
 年廿歲灼如薜英期偶適耀□□我後嗣何華而不  
 實祉福不臨以元和八年七月三日洪水蜀來浸溢  
 夏洶合郭爲患顧此遠遂假官航以虞墊溺豈家臣  
 失泝馮夷幸災巨舟云覆相次淪浪嗚呼慈親腸絕  
 天倫氣摧存歿路殊終議元隧以元和八年八月四  
 日窆於先父塋側禮也恐陵遷徙乃紀銘曰  
 伏波有女青娥艷陽馬氏有男白眉最長於□□□  
 彼天何殃豈春華之晷景同淪歿於舟航嗚呼生則  
 同氣歿爲異穴捨慈親之恩愛侍先父之塋闕痛纍  
 纍之古原□□□之永訣

古刻叢鈔

五學古齋校本



廿三 唐故東莞臧君夫人周氏墓誌銘 并序

進士張師素撰


夫人姓周氏其族望本乎汝南今爲陽羨中江里人  
 也祖莊父俊皆不尚名宦抗跡邱園孝悌謙恭仁行

昭著夫人淑慎貞賢溫柔令範自禮歸臧氏之室而  
琴瑟協和遵孟氏之風規有班家之令譽嗚呼元穹  
降禍大夢忽臻未偕知命之年奄促泉臺之通以元  
和十三年歲在戊戌三月四日終於義興平西里之  
私第享齡四十有四亦以其月甲申廿六日己酉安  
厝于中江血瀆東北之平原周氏祖業之園地蓋從  
龜筮也有子曰奉言始童卯有女二人長未及笄俱  
號訴之無依恨慈容之永隔恐桑田變易陵谷傾頽  
故勒紀貞石乃爲銘云

古刻叢鈔

三學古齋校本

雙劍光芒兮嗟一沉鳳歸杳冥兮鸞孤吟撫稚子兮  
淚盈襟悲穠樹兮愁雲淡

 唐故河東裴公墓誌銘 并敘

前鄭州滎澤縣尉王鉅撰

公諱昌字仲達其先河東人也保姓受氏其來遠矣  
泊永嘉之年衣冠南渡風流遺烈代有其人禮樂摺  
紳顯于家謀曾祖元凱祖明達父仁安並徽懿盛才  
昭振前列望高族茂勲華貴時公即府君之第二子  
也稟澹和之性有堅貞之操以德行立身以仁信交



友志尚閑逸不以祿利爲榮是以不屈節折腰耽玩  
琴史實朋執之龜龍仁物之衡鏡隱淪混跡洞達窮  
通道在其中矣於戲有至行不享其福壽者其斯之  
謂歟以元和十五年正月十七日遇疾終于長沙郡  
湘潭縣之江次享年八十五嗚呼夫德立而人世不  
稱行成而幽靈無報短長之制命耶以先塋松柏陪  
葬尚賒禮許從權乃於上元縣鳳臺鄉梅頂岡之東  
北原別建兆域以其年八月二日權窆焉從吉兆也  
夫人吳郡朱氏淑慎忠厚行成閨門內政有敷義光

古刻叢鈔

毛學古齋校本

詩史有子五人長曰興次曰幹次曰超次曰孚詩禮  
垂訓教及義方識度自然哀不逾禮幼子曰祐先公  
而亡有女二人長適彭叔雅次適蔣幹皆蓄令德事  
舅姑有聞蔣氏愛女早謝浮榮亦先公而卒合子慮  
陵谷遷變見託斯文採摭行能勒銘貞石其詞曰  
於惟裴公凜然循德在醜不爭惟人是則樂天知命  
道達通塞栖心雲水處事寂默泐漢汧江東西南北  
其一天胡不惠哲人其萎大樸已散渣風不歸丹旂翩  
翩新隴巍巍泉門一閉與此山垂

其二

其

卅九 題名

張公洞壁記

楊漢公 陶揆 長慶四年六月廿六日

卅九 又

東坡居士自黃適汝艤舟亭下半年矣江山之樂傾  
想平生時與口德口口口元豐七年七月十四日蘇

子瞻題

卅九 又

前檢校戶部郎中兼興元少尹攝御史中丞賜紫金

古刻叢鈔

天學古齋校本

魚袋楊漢公

嶺南觀察推官試秘書省校書郎鄭薰

卅九 又

臨川王旁登干佛口

大和七年六月

沈傳師

孫鎰

吳琴

治平四年九月

可然

張稚圭稚游

卅九 又



府君同至此脩謁會昌六年六月十一日高璩

高蘭英 高望之

廿七

唐故越州衙前總管杜府君墓誌銘并序

亡妻隴西郡李夫人合葬為墳

山陰沙門東父述

府君諱口其先口口乎口詩曾祖祖珍名宦不

敘欲略故也府君氣宇英明風神雄大口口門之緒

且時從口傑口口口展伏波早世天命口口賢良所

嗟大和三年三月廿六日私第而故享齡六十以其

古刻叢鈔

三光學古齋校本

年四月廿四日十口于山陰承務鄉九里村馬口之

地宅兆之禮也夫人李氏元和十二年四月二日先

夫而終內則令範可傳女史今合耐墳塋蓋琴瑟榮

枯嗣子師素弓裘克繼泣血茹口哀號事喪帖瞻吧

瞻口雷在口風悲拱木月口佳城恐山谷遷動勒銘

萬古詞曰

府君之生材口口口祿位文武猗歟令名天命何欺

遽違人世喪親怙恃窳窳俄口哀孤孝子荼毒肝腸

奉柩扶護合葬龍岡松柏新栽風光方古佳城異代

刻石泉戶

十七

唐故右內率府兵曹鄭君墓誌銘

并序

潁川陳齊之撰

昔鄭桓公爲王卿士始受鄭於周因封命氏漢魏以降其族滋大有唐以來口華口軌君其裔也曾王父璿河南少尹王父溥尚書右部郎中歷青邢相衛兗幽懷七州刺史入爲左庶子皇考華駕部郎中吉州刺史仕濟其美時與其能君即吉州之少子也隱不違世顯而成晦於所與以義於取入以口以口游江湖而無所爲累也君諱準字口道其先滎陽人有憲也之貧口口口之貴人之於此皆不堪其憂君之於此而未嘗滑其口口口爲知命也大和四年正月二日遘疾終於蘇州華亭縣白砂鄉徐浦場之官舍享年六十有三有子五人嗣曰宗儒次曰宗韞次曰宗慶次曰宗遜皆銜恤茹哀克奉先訓又一子奉釋氏教端嚴清淨脩無生忍其名曰宏直嗚呼伯仲叔

古刻叢鈔

聖學古齋校本

口於執喪之禮皆得順變口以其年秋八月廿五日權窆於義興縣洞庭鄉震澤里下朱村原從宜也有



女二人皆在冲幼五子以余有往年之舊請文於余  
銘曰

其生也天其死也天死生皆真兮何適非然嗚呼苟  
不達於此哀何勝焉

**唐**

唐朝請大夫試絳州長史上柱國趙郡李君

故夫人京兆杜氏墓誌銘

并序

從弟將仕郎守宏文館校書郎  
宣猷撰

夫人諱瓊字瓊本京兆杜陵人後因家邢州遂爲邢  
古刻叢鈔

早學古齋校本

之堯山人焉曾祖知慎皇將仕郎守冀州南宮縣尉  
祖昌運皇守忻州定襄府左果毅上柱國父栖巖皇  
朝散大夫試左武衛長史夫人長史之叔女也并年  
歸於李君明正清劭輔以材能落落焉有賢傑之操  
閒歲李君隨牒襄陽夫人亦來漢上宣猷與夫人別  
業以連得敘宗族日漸月淡情同密親始予隨進士  
貢路出漢澶時寓夫人里第稅駕之後徒馭如歸開  
顏拂之主禮甚渥李君賢厚少事以儒書自適門內  
之治實夫人主之其奉夫也以敬其訓子也以義其

睦親也以誠其接下也以德吹惠布明家政煥然舉  
是而言雖賢丈夫何以過也嗚呼材智方遠光景不  
借以大和五年十二月三十日薨於襄州旌孝里之  
私第春秋六十五明年十月十一日安厝于襄陽縣  
習池鄉之西把里夫人人生二女二男長女適太原王  
儀次女適扶風馬璽長男德元次男德章德元幼奉  
擇鄰之訓明經擢第釋褐隨縣尉德章休休然亦以  
詩禮光業今則泣血崩心若無所容先遠有期託予  
誌德濡毫寫悲不羞不能銘曰

古刻叢鈔

聖學古齋校本

杜氏之先陶唐同源遠派搖漾爲傑爲賢夫人體之  
令範昭然身同朝露門閉幽泉刻銘片石千年万年



唐故馮府君墓誌銘

并序

府君諱倫字寰周長樂人也曾思伋祖琰父璋俱養  
性邱園高尚不仕府君卽璋第二子幼而簡約長而  
宏雅恬然自處不趨世利禮則凝重器宇沈深雖榮  
之與辱不能動其色忘言得意忻忻如也輕財重義  
博識多能理性內融徽猷外發男公造立身恭謹色  
養兢兢二女令淑有聞各媿他室嗚呼斯人不保遐



壽少乖攝衛伏枕彌旬藥術無徵奄隨風燭以大和  
七年八月一日終於私第享年七十府君殄也陰雲  
暗慘鳥雀悲鳴至理元微天何可問男女迷謬叩地  
號天閭巷傷聞爲之慙歎夫人陳氏蓬首次心沈哀  
骨立徒想瓊田之草無復返魂之香以其年十月十  
五日葬於江夏長樂鄉射亭里之原禮也北背黃鶴  
之嶺南瞻八□之峰恐年代浸踈川原變易剋石記  
事永將不易辭曰

日月至明尚有盈缺邱山至壯尚有崩裂感彼馮君  
古刻叢鈔  
聖學古齋校本

隨波生滅時惟孟冬析析悲風凝陰蔽野苦霧霾空  
敬勒斯誌于載無窮

大和七年歲次癸丑十月癸未朔十五日丁酉樹

**七**

般若波羅蜜多心經

觀自在菩薩 云云

弟子王琰 妻賈梅檀智 男元佐 元儻同

贖此經

**三**

唐胡府君夫人朱氏墓誌銘

儒林郎試左金吾衛長史上護軍

明援撰

胡府君安定人其先分氏於舜曰胡公滿之後也綿  
歷載代□賢顯赫以元和十二年十一月四日先十  
七稔而終祖考□諱仕進文藻暨府君德行名節男  
婚女媁□具前誌故略而不書夫人族望沛國累世  
因時播遷今爲江夏安陸人也曾祖大父載在家牒  
考諱璧遊心物外守□□□志道忘情不屑時務可  
謂邱園奇士聖代逸人焉夫人即處士第一女也柔  
惠懿淑婉婉雍妍禮樂□□女玉□解年及乎笄歸

古刻叢鈔

醫學古齋校本

于府君琴瑟克諧澣濯示儉箕帚既恭蘋蘩式潔閨  
門以睦宗族以和中懼府君之艱痛鵠枝之半折恨  
龍劍之偏沈撫□盡哀秉心全節惻愴摹慕寒暑載  
移於戲吉凶倚伏幽微□明德禮彌高年齡忽落以  
大和六年□寢疾明年正月十日終於江夏郡中  
和里之私第享年八十有二越二月廿□日合葬於  
黃鶴山之南原府君之塋遵魯人之祔同皎日之詩  
禮也嗣子貞等皆發□受鋒觀材見寶孝心塞乎天  
地而橫乎四海豈止於泣血終喪感深殞絕而已哉



以授曾預口親之友奉命述其盛口云銘曰

嶺巖黃鶴口巒傍薄邇迤南岡形勝北口合耐舊域  
威儀不忒猗那夫人德禮難口閨壺朗澈松筠表節  
地久天長桂馥蘭口桑田變海貞石不改



德本寺碑陰

胡季良纂 學晉

昔杜氏集解春秋其有關於魯史者附為後序今建  
莊之始即居士徐君導之置也以徐君有善亦削之  
於石也君世居寺之後石橋橋路多墊溺乃議於鄰

古刻叢鈔

聖學古齋校本

之左邱君曰榮謂開通道路儒釋共緒欲展其利必  
垂其跡況為鄉邑往返之大利哉大和六年春自前  
石橋趣後石橋達於所止凡一百卅五步琢凌雲之  
石鎖積虛之土條堅質以界道較繩墨為地面功成  
也有若梅天澍雨同落澗而驟傾臘雪凝冰等高崑  
而益固則智起二人跡垂永躅其石路與石橋之名  
相次不朽

大和八年三月十九日建

陳德芳刻字



煇吳氏墓銘 并序

處士胡季良述并書

□□標于史冊關雎著于詩首卽□□□一貫也安  
君令嬪渤海吳氏□□儒奉道爲鄉閭之令望以夫  
人□□女長爲孝婦□于嚴母全之也□□人爲善  
惟日不足以大和九年□□五日終于烏程縣臨茗  
鄉之私第年五十有三比盛年則非夭折□□□痛  
青春卽以其年五月廿八日□□雲水鄉仁王寺之  
西安君感其□□□遵蒸祀賈石誌德紀之□□子  
日師敏承□保終于禮也石□文以□詞曰

古刻叢鈔

嬰學古齋校本

仁王山兮寺西園孤墳寂寂兮閉□□□婦德兮黯  
黯孤魂平生□□□石誌言

廿八

唐王府君墓誌銘并序

戴仁而處抱義而行者卽瑯邪王府君公諱仕倫字  
文迴其先晉右軍一□□代孫也曾祖璆皇祖恩皇  
考良忠貞不仕公春秋五十有七以大和九年六月  
廿二日終于暨陽之私第嗣子宗志次子劉老稚年  
荼毒泣血絕漿以當年八月廿九日葬于故朱夫人  
之同塋所也山連藥王之岡地□建興之壘且離城



郭不逾一里去人煙十步有餘焉恐山川遷變乃刊石爲銘

賢哉哲人抑抑秩秩無嗜輕佻好求之質云何積善而邁斯疾悲古青松哀辭白日萬古千秋於焉永吉

鐫人武都章武及并書

九

唐故處士潁川陳氏公墓誌銘 并序

鄉貢進士武陽李又與

陳公諱韞字韜光西漢太邱長寔之遠裔也曾祖晏祖□先父澄借高蹈不仕浪跡人寰以處默爲輪輿

古刻叢鈔

聖學古齋校本

以軒冕爲桎梏教垂嗣允德冠我公作隱遯股肱爲  
□山浚峭峻義方而□屬不聞宏心計而資給豐饒  
□用身安降年有永故春秋七十有八矣所宜溢斯  
上壽□有中庸誰謂劒沒延津珠貽淮水以唐□成  
三年二月二十七日寢疾於江□縣之私室□□□  
年四月七日歸祔於順化里黃□□□□塋禮也  
夫人謙郡曹氏先公三祀而□□□子□立□瘠綿  
頓幾不勝哀服懃經營面垢□□□□□有禮號  
勵而行路無聊仁孝光□以□父□二□□漿陽潘

氏婦儀母道自彼抑揚豈不性□□訟□□有自於  
戲言猶在耳音容已緘哀□臨岐誰無怨□又以曾  
蔭德宇忝識前脩實錄遺芳刻於貞石銘曰  
□德門所嗣兮退藏是先名與身孰親兮道在保全  
福壽所資兮天降永年遺芳不替而蒸蒸日上  
□兮□□□前

故天水姜夫人誌銘

大唐故駙馬都尉天水姜慶初女適故殿中侍御史  
劉元質享年七十三於開成三年十月一日歿于鄂

古刻叢鈔

吳學古齋校本

州私第以其年十二月廿一日權厝黃鶴山南原禮  
也懼陵谷之多變故爲斯銘用紀悠久之祀

誌蓋題云 新平公主姜夫人墓

唐故鳳光寺俊禪和上之墓銘 并序

和上諱常俊俗姓張氏清河人也皇祖莊皇考李卽  
李之第二子卅歲出家年齡七十僧夏冊奄自會昌  
元年五月十五日示疾歿世以其月廿六日遷柩於  
常州無錫縣太平鄉□村東一里官河西八十步張  
宗祖墓中卜其宅兆庚首而安厝之禮也有門人文



京路馬駸駸塵勞日向淡蒙泉聊息駕可以洗君心

寶歷二年四月沈傳師

四

唐故銀青光祿大夫使持節蔚州諸軍事行

蔚州刺史兼御史中丞馬公墓誌銘

并序

朝請大夫使持節汾州諸軍事守

汾州刺史楊倬撰

公諱紆字無畏扶風平陵人曾祖行琰嬀州刺史祖  
千龍平州刺史父實右驍騎將軍御史中丞並有功  
幽薊書勲竹帛公即中丞第廿五子幼有奇節性惟

古刻叢鈔

辛學古齋校本

聰悟見古名將勲業之事未嘗不廢書發憤沈吟久之  
之口寄河朔志蕃王室欲變風俗期乎坦夷遂委質  
戎府累遷魏大將自天寶末胡羯爲亂雖克勦口口  
翻恣驕兇以故將帥帶州連郡朝貢罕至而魏博諸  
田相繼立元和中上以文德武功定叛亂雖魏帥詐  
順尋亦如舊大和初滄帥李全略死子同捷盜襲其  
位先皇震怒徵兵討之魏帥以封壤連接潛相應援  
時中書令裴公掌兵柄謀撓魏事公以才辨爲戎卒  
知每有奏請獨當其任遂申密款於裴公天子嘉之

則元通伯昌族兄秀姪令容等懇痛哀摧涕淚交結  
恐陵谷遷改桑田變移塋域無徵乃刊磚而爲誌銘  
曰  
禪宗內紐法印心□□弃淨生歸乎寂滅

四十一

題詩

去東林

峯頭不住起孤烟池上相留有白蓮塵網分明知束  
縛要須騎馬別雲泉

會昌三年七月十三日秘書省正字曹汾題

古刻叢鈔

聖學古齋校本

此詩在曇朶碑陰塵土昏塞無知之者至和三年  
春二月陳國表陟來遊山徧扶竒跡始發其晦東  
林詩多矣未有如此篇之意完而美者因題以永  
之汾開成四年崔蠡下進士後爲中書舍人戶部  
侍郎忠武軍節度使實丞相確之弟也

四十二

又

題山泉云可致清川廣難量利物功涓流此山下誰  
識去無窮

大和九年正月廿八日宇文鼎



乃大張皇威深述聖言開向國之福戒履巢之危帥  
立歸誠未幾王師大捷而同捷就戮萬夫解甲兩河  
肅清公始謀之力天子以公忠果可任大事拜左武  
衛將軍後出爲寧州刺史在郡有聞堂帖赴闕拜右  
領軍大將軍至開成中博陵更帥丞相進□取可繼  
作者以蔚爲□鄰□易遷就乃拜公蔚州刺史兼御  
史中丞洎申謝文宗皇帝臨軒歎賞面許重事以遺  
之既牧安邊公綏戎以德撫下以恩野無南牧之虞  
俗講東里之禮三年去任執轅遮道者□路蔚人思

古刻叢鈔

辛學古齋校本

公令德日□聞於廉帥廉帥聞於朝廷又拜蔚州刺  
史□□疾尋□西河上聞之惻然候疾愈方授以  
大柄神不庇善以會昌四年三月十日終於所寄之  
第享年五十六嗚呼才長壽促志遠途窮□廣所以  
爲有識所歎公兩娶裴氏張氏皆名族生一男二女  
男補太廟齋郎娶徐氏次女適裴氏長女在室即以  
其年七月十日歸窆於關中少陵原耐其先塋合元  
妃之墓禮也銘曰

皇道溷溷天寶末盜弄干戈白胡羯滄帥死兮有餘

椅魏爲親鄰志相活河海橫流馬公遏溟盜亟誅天  
波闖忠義克彰遂聞達天子臨軒歎賢傑將委邊陲  
□勲烈將分符竹後□鉞所理蘇息無饑渴才有餘  
兮志未豁長衢方騁摧輓軌彼蒼者天何謂謁嗚呼  
馬君道消歇中壽未登神奄絕唯有雄名流不竭

五七

唐故陸氏廬江郡何夫人墓誌銘

并序

大唐會昌五年乙丑歲孟夏之月廿一日夫人終於  
家春秋六十有八祖諱眞父諱□□其先廬江人也  
夫人幼習女儀長有令譽初笄之歲匹于陸君肅肅

古刻叢鈔

至學古齋校本

雍雍如琴如瑟嗚呼不同偕老陸君不幸而先逝夫  
人所生一子元慶幼而習禮頗識義方承順慈顏曾  
無怠色水漿不入杖立營葬以所卒之年莫秋之月  
乙巳朔廿六日庚午遷奉於華亭縣西北二十三里  
陸氏故山□□□□夫之兆以遵生前之命今慮  
歲月緜邈林摧隴隳刊碑立銘周表系以銘曰

嗚呼浮生如露如電平生玉容無由再見精魄□散  
形體□□□慕鄉親子淚雨

十八

唐故右內率府兵曹參軍朱府君夫人南陽



樊氏誌銘 并序

序曰南陽之後軒冕閒世最爲國內所稱曾祖釗皇明經出身泗州連水縣令夫人連水嫡女有兄一人早逝唯獨子立未登筭歲歸於吳郡朱氏二紀輔佐不幸居孀志在鞠育悉知禮義皇天不祐大中四年七月廿日薨建業鍾浦之舊第春秋八十有一以其年歲次庚午十月乙巳朔十日甲寅合祔兵曹於鍾山之南善口里原禮也夫人遺息二人女二人長圓郎將仕郎前守淄州口水平縣尉次散郎拔衆敏利

古刻叢鈔

聖學古齋校本

迴戰史口口曰先仰廿一娘適口口衛兵曹參軍琅邪王鎰廿二娘適前太常寺奉禮郎潁川陳言嗣子等泣血號叩感而爲銘勒于貞石行焉銘曰  
燁燁煌煌泊漢貽唐磊落軒冕連綿琳瑯令則和睦于何居孀提挈撫育歷饑經荒馮以積慶福壽無疆天不惠垂玉潤迴藏金爐歇艷寶鏡休光嗣子泣血孝女絕漿卜吉遷窆鍾領之陽楨柏森森永剋嘉祥

明園錄

四八

詩刻

元孚五十年前遊天台宿建公院登華頂攀琪樹觀  
石橋之險絕緬懷昔遊因爲絕句寄知建長安兼  
呈台州王司馬

上都左街保壽寺文章應制內供奉大德元

孚

天生石月架空虛樹綴龍髯子貫珠三十年前已攀  
折建公曾到上方無江楫

奉和亦依本韻

中散大夫行台州司馬賜魚袋王暮并書

古刻叢鈔

齋學古齋校本

華頂高峯接太虛承攀琪樹賦垂珠當時惟有建公  
在老宿如今一半無工楷

唐大中九年歲次乙亥八月丁丑朔六日壬午

重題以紀他年之事



唐故陸氏劉夫人墓誌銘并序

夫人彭城郡人也父峯皆詞林學趨官迹立笄年禮  
聘適于陸門盥悅雞鳴嚴勤婦節大期俄屆嗚呼於  
大中九年七月口日寢疾終于華亭邑內之私室也  
芳年卅有七以其十二月一日葬于縣東三里買宋



氏地之新塋禮也有子三人長度次夫師口師雖以  
幼童哀訴過禮恐代異時移故刊貞石銘曰

夫人劉氏簪纓之女節婦義夫早聞令譽際光西邁  
逝水東流佳城一閉萬古千秋

**四七** 題名

昔漢丞相蕭何邀淮陰公韓信至此山大唐刺史楊

師謀記耳楷

**四七** 又

前溧水縣令鄭宗道開成三年六月罷官上州禮辭

古刻叢鈔

聖學古齋校本

迴遊此十一日記學薛

**四七** 又

朝散大夫守成都少尹上柱國李拜

大中十一年十二月十三日獨遊司顯

掌書記試大理評事盧知猷觀察推官試太常寺協

律郎徐彥口安撫巡官試秘書省校書郎崔蔚攝觀

察巡官前鄉貢進士薛邁

咸通四年九月三日同謁先師

**十九** 唐湖州口口口口口口故夫人墓誌銘并序

鄉貢進士李朝書

夫人金氏諱淑□京兆人也幼有容止長能柔順姆教婉婉織紉組紃克脩女事秉箕執箒婦道□□始其笄年珮玉待禮時處士馮君名湍長樂人也世代儒雅弓裘靡湮知名是空高尚不仕聞夫人令淑以羊鴈娶焉且其閔望齊微姻榮並曜變彼慶善宜其室家鸞鳴鳳和瑱簾叶敬脩賓饋然薦鹽梅謹侍舅姑謙恭娣姒肅□閨壺舉宗稱嘉訓有兒女咸就婚適冀之借壽歿而同塋無何天道踈鑿殞茲令德夫

古刻叢鈔

癸學古齋校本

人以大中十二年四月十四日逝于□□鄉周章里私第享齡六十有九所育兒女六人長曰亮仲曰集季曰彥竟能仁孝溫清凶違恂恂里閭孰不欽仰女三人二歸沈氏一適陸門夫人弃背之辰遠近奔格擗踊□慟泣血絕漿鄰里哀之共脩糜飼□于人生淨□諭之日及旣以年十二月十日宅兆叶吉乃遷柩窆於縣西北吁婁山馮氏祖墓附於先舅姑塋域東南隅禮也至孝亮等慮時移世變邱墟或湮俾刻貞石藏銘元宮銘曰



賢哉夫人從德終身肅肅容儀譽美親鄰俄然□□  
奄謝青春卜宅安厝餘溪石瀆鬱鬱佳城依依□□

□□百歲冥冥孤墳

十四

唐故潁川郡陳府君墓誌銘

并序

外甥隴西李藝集

府君諱直其先□州潁川郡人也後乃遷□錢唐縣  
而家焉曾祖滔皇試登仕郎新易州易縣尉祖義皇  
試文林郎愛州九真縣尉考及並遁跡雲林高不仕  
府君即先考之長子也稟性疏達德惟雅操言不循

古刻叢鈔

至學古齋校本

諾行不韜從內已嚴恪外已溫恭少小習儒長從詩  
史鄉黨稱孝親戚稱慈何期積善無徵已成通五年  
歲次甲申五月廿一日寢嬰微疾百療不痊終於錢  
唐縣方輿鄉金牛里私第享年六十有九娶譙國郡  
蔣氏有嗣覆陰早失有子四人長曰存祐娶渤海吳  
氏有孫一人曰郁郎女孫二人姪娘春娘次曰存議  
存制娶潁陽范氏存約等幼集儒墨強學爲文每以  
仁行理其心常以孝義存其道不以縱□溢其心不  
以繁華飾其體有女四人長女適周氏早歸幽夜次

女適章氏次女十三娘閨諱友逝鳳舞沈幽小女十  
四娘在室有絡秀之材道蘊之學四德俱備三從母  
儀內睦外和六親謙順各毀不踰禮望丹旄而痛心  
隨孤魂而滴血妹二十五娘適李氏嗟惟庭樹之摧  
長乖鄺萼十八娘適滕氏素質早歸泉扃嗚呼逝水  
難住何新不故既享黃髮之期萬皆盡度乃已元龜  
宅兆卜筮三從以其年八月十八日窆於履泰鄉步  
渚原爰俗里考妣之先塋禮也扶風子寓寄鄰止得  
鄉黨之名實謂其往若休炳然斯文用垂於後銘曰

古刻叢鈔

奕學古齋校本

千秋冥冥松青蕭索山雲晝陰隴月朝落秋風蕭蕭  
兮寒水淥長江一去兮無迴復冥冥魂魄兮何所依  
兒女肝腸兮斷難續天地日月何沈昏猗歎克己兮  
命不存傷哉此去不復返千秋萬古扃泉門

魯郡祝位鐫字

唐臨江郡故何長史府君墓誌 并序

廬岳布衣程山甫述

有唐臨江郡府君何氏諱俛字太常則唐叔虞孫韓  
氏之苗裔鳳池曾公之遠允因道趾廬阜遂家于江



州尋陽縣丹桂鄉香谷里皇朝請郎試左武衛長史  
退居雲林高尚其仕高祖諱元琮曾祖諱承裕祖諱  
蔚考諱溥長兄諱建次兄諱鑑外清河郡張氏府君  
婚汝南郡周氏生三男長曰元廣婚周氏次曰友稜  
先婚嚴氏次查氏李氏歆歆俱不幸先歿次曰元衮  
婚周氏次曰元壽婚彭氏元壽外丹楊朱氏親姻茂  
盛孰如是焉府君淑順恭信行德謙柔福會良疇高  
蹈雲水美玉不炫聲價益高素琴不調五音自足百  
祿雖備壽不永脩斯天之貽咎何神理能保其至德

古刻叢鈔

堯學古齋校本

哉以咸通七年歲次丙戌七月廿五日臥疾逾月終  
於私第享齡六十有六以其年十一月壬寅朔十九  
日庚申卜其窆窆於大塋之內而窆焉崗巒興伏羣  
岫低昂雲水縈流溪谷迴合即何氏異世之所授耶  
府君性行秉質清貞坦夷不潔無虞直道自處嗚呼  
明星滅曜劍墜平津雲鎖碧山霧郁寒水親朋痛切  
閭里哀傷楚悼之情悲莫能已廣稜衮壽等仁貌蘊  
叶行恪溫儒材器天資□標郡里次子稜讀書爲文  
脩進士業早以戀承怙恃未赴貢嶂業盛昌晞名譽

高遠林巒得志守節義謙素其閒居上下無忽至其  
四方之人咸相謂曰何人即今之審達賢達之士也  
其第三子袞又法名思齊性好元門身披羽服堅持  
科誠食柏餌芝志樂煙霞逍遙沖寂山甫不揆瑣味  
叨竊煙霞側聆休風輒錄斯序廣等馮墓泣血託爲  
誤述

誌銘曰

鳳池遠裔德並嵩萊郡閩領袖邦國良材志奪冰霜  
□同秋月劍剗琨犀□明節日月逝矣德辰一沈  
鄰杵無相百牙絕琴大塋之域茱萸原東□寔誰墓

古刻叢鈔

李學古齋校本

長史何公

唐故宣義郎侍御史內供奉知鹽鐵嘉興監  
事張府君墓誌銘

并序

前荆南觀察支使將仕郎試詹事  
府司直蒙撰

府君以乾符六年二月卅日終于常州義興縣之私  
第踰月其仲弟中權銜哀致書□□以誌來請蒙  
之與君寓居同邑頃在京師往來甚密蒙之季與君  
之季□□□□交甚固以是得孰君之所行事



書其善刊諸石則又安可辭耶君諱中立字□□其先范陽人晉司空華十五世孫高祖紹宗皇邵州武岡令贈宜春郡太守博學工書著蓬山事苑卅卷行於世蘇許公爲之製集序韋侍郎述擇神道碑宜春生盛王府司馬翰林集賢兩院侍書侍讀學士諱懷瓊有文學尤善草隸書與兄懷瓘同時著名學士生池州長史贈金州刺史諱涉嘗以文學登制策科金州生普州刺史諱爽進士及第登朝爲殿中侍御史□稱其□享年不永竟不至高位當時惜之君即普

古刻叢鈔

空學古齋校本

州第二子也□失恃怙授兄長之訓初兄以□□調補霍山縣紉隨兄之任孜孜務學以至成人大中初再調授武進尉謂君曰曩以若等幼稚未克□生今旣長成可以藏事吾恐墜先志爲平生羞遂以武進授君曰無以家事縈我我行矣乃就詞科累戰皆北嗚呼天不福善旋抱陟岡之悲君撫視孤姪過於己子君之操尚出於先賢自武進歷處州麗生令婺州永康宰到永康不旬月旋丁內憂服闋予□□今祭酒常侍廉問陝郊素知其材奏爲郡紉值將受代

事遂不行君曰事之不行命也□郊特達之恩宜如  
何報乃裹糧策蹇專專致謝亦古人之心也既至輦  
下親舊閒稍稍□□由是名姓頗達于上位今左丞  
韋公蟾即君之親外丈人時爲中丞遂奏爲臺主簿  
甚爲美秩前輩名士多爲之然位卑任重尤不易處  
自憲長以降無不譚其盛美無何故□□師王公  
凝總擢筦務奏爲嘉興監官意頗不樂辭不獲免遂  
授侍御史內供奉知□□□年吏畏課溢咸謂得  
材及罷歸陽羨葺舊居植花木與親朋骨肉聚會貧

古刻叢鈔

空學古齋校本

□□□□之女嫁之男娶之雍睦怡愉無一日不  
得其所復慕黃老之術齋心焚脩頗得其□□□  
□□無羨餘嗚呼眞可謂賢達之士矣方今盜賊未  
弭西方多事適當展材業振□□□□□知方聞  
薦於宰執欲委之重難忽暴疾不六七日而終嗚呼  
其亦命耶享年五十有五娶汝南周氏楚州盱眙主  
簿元諒之亞女有子三人長曰庭誨令聚姑之女次  
曰裔圖□□□□□性過禮克紹其家女三人長  
適河東柳氏即前郴牧泰之第二子次許嫁宣□□



□□□□及并季第七穎登進士第有時名從知廣南幕下仲第□□□□□□□□□□長安城南方屬道路艱虞未克歸祔遂卜用其年四月十二日甲申□□□□□□□□□□任先鄉許墅村之南從先大父之塋右禮也嗚呼云云銘曰

居官惠民居家睦親奉上禦□云云陽羨之北荆溪之濱云云

十四

唐故處士江夏黃府君墓誌并序

鄉貢進士張珪撰

古刻叢鈔

奎學古齋校本

府君姓黃諱公俊字子彥其先□□人也卽春申君歇之後長沙太守之裔孫高祖諱□曾祖諱恕祖諱法皆高尚不仕府君生而有禮體質魁□□□淳厚以孝義爲心處謙恭爲首家傳清儉鄉里稱□□晉代跨於江濱迄至今焉子子孫孫樂其耕釣可謂弓裘不墜於地也何圖暫纓微恙便至沉□藥石繼來略無徵應以乾符五年十月十八日歿于義興縣善拳鄉□塘里享年七十有六娶夫人袁氏淑性懿範婉婉和柔雅合閨闈美哉琴瑟先於府君四年而歿

有男三人長曰約公早終次曰擗曰□□先人之風  
傳先人之業遠近欽奉靡不云賢有女二人長女適  
吳郡張氏其女不幸早亡愛婿張公尚存昔念□□  
之□□遠及良辰次女歸于譚氏奔護喪禮罔失其  
儀嗚呼□□而知命矣因夫人袁氏之□□□其吉  
日□□□□□□備於今日歸泉之所宜哉以□□  
□年丁亥歲十月□日窀穸枕夫人坐之北庚首禮  
也□寓□鄉黨請□誌難以讓陳才雖不敏聊構斯  
文以紀其事刊于荆岷銘曰

古刻叢鈔

畜學古齋校本

大道冥□兮混然而成得之則壽兮□之則天全我  
慈孝兮終□□□上士所□兮下士則笑先□有言  
兮善□及嗣永介景福兮施乎□□

五

戴府君墓誌 并序

府君諱芳魯國郡人祖諱蔽父諱素府君素之第四  
子娶東海徐氏育子五人二女三男長子師顛次子  
師旭少子師敏府君温良恭儉讓志惟清雅惟孝惟  
忠琴酒戴不仕何圖積善無徵凶釁春秋六十有三  
寢疾醫藥無效大化有終中相三年秋八月廿五日



終至其年季冬之月初五日丁酉吉辰寔爲吳郡東  
南華亭縣北廿二里去張管墩五里莞沼鄉城山里  
進賢村洞涇西一百卅步新宅之東南而葬新塋禮  
也三男泣血二女哀號長子師頌等恐歲月久遠陵  
谷變移不託時世今乃刊璧爲記銘曰

晚暉西落流水東馳存亡永訣逝者無歸萬古千秋  
墳壠巍巍 是誰書雙鯉魚是誰讀雙白鶴鯉魚入  
溪泉□□□□□□



唐賈水部墓誌額

古刻叢鈔

李五學古齋校本

字長三寸許



宋故黃氏壙志

公諱裳字齊賢姓黃氏家世儒科爲浦城望族曾祖  
愿祖希哲父端虛皆不仕自父游學始居雲間公兩  
預鄉書以特科授初品官調邵武尉天台丞嘉定庚  
午十一月丙戌寢疾卒于家享年七十有三娶費氏  
二男紘綬早世三女皆嫁爲士人妻孫中美公少孤  
自立篤志於學操履醇正不渝生死德豐報嗇尚奚

忍言十以是年十二月庚申葬橫山之先塋二子耐  
焉中美謹泣血誌諸壙

增進士吳容填諱

重編古刻叢鈔跋

此伯淵先生所重編次以原書隨得隨鈔時代雜糅  
難於觀覽故也遠寄屬校因再四尋勘其閒卽有所  
審正必取資別本未嘗隻字敢憑胸臆卽如故永陽  
敬太妃墓誌銘十一月九日乙卯上文云以普通元

古刻叢鈔

至學古齋校本

年下文云粵其月廿八日戊戌考通鑑目錄是年十  
月辛丑朔十二月庚子朔是十一月爲辛未朔九日  
當是己卯故廿八日戊戌也然所有本皆作乙字近  
見鮑氏知不足齋本獨爲己字乃始改焉其他大略  
準此鮑本先旣刊刻仍藉是本訂定如干處他日故  
當兩行之也元和顧廣圻書於思適齋

辛未孟秋十日勸學凡題上記南村元第之數今所  
添入也又跋他本者二首附於左廣圻又書

南村所鈔篆隸皆無釋文其西漢東漢兩石刻有



之者乃乾道間東萊蔡迨所爲南村并其考全載之也他篆籀皆平易可識唯古刻第二德下兩字讀者每疑惑莫解予以爲是淮西道院四字也夏竦之古文四聲韻卅三皓道下德等字卅三線院下德字與此但筆畫繁簡不一耳說文宀部寔重文院而宀部別有院徐氏謂宀部重出然則寔爲院之正字故四聲韻院字之釋亦依宀部也聊出之以俟能知古文者

古刻叢鈔

宅學古齋校本

右跋家本

頃孫伯淵觀察用時代重編次古刻叢鈔寄其彙屬以刊行爰取家本並借戈君小蓮藏本相勘旋因專力治說文未遑卒事也鮑文暉飲過子楓江做舍談及讀畫齋叢書新刻入諸辛集卽出所印樣見付并勘乃較數日功重理一過彼此得互爲更正如千字然可疑者尚往往而有焉夫校石刻文字之書非特不可以意推測并不可據他書改補如宋臨澧侯劉襲墓誌第四第□□軌太子舍

人據沈約宋書宗室傳襲弟寔太子舍人誌下文云第四男量淵邃出後第四弟寔又誌云襲字茂德兄覲字茂道其弟第三字茂蔚第五字茂通則寔之字茂軌可知矣所闕□□殆寔茂二字耳第一男曰長暉出後兄紹封桂陽侯據傳覲無子襲以子晃繼封所損曰殆晃字耳南村非不知檢宋書者良由悉依石本故如是耶唯誌云第五弟季茂通海陵太守而傳言寔弟爽海陵太守季爽遠異必有一誤未審石本果何如兼未審南村果何如也其他大略準此彙白堤錢山人聽默實書賈中陳思之流憶廿年前述此書南村手寫者首葉鈐岷山葉文莊藏書圖記曾在白蓮涇王姓家近始散失不知歸何地竊計爲時未遠宜仍畱天地閒因於還鮑丈日輒附識之尾且將舉告觀察以俟相與物色庶幾得之盡決其所疑也

右跋鮑本

古刻叢鈔

奕學古齋校本



再跋古刻叢鈔

是書刊刻已竟從兄東京取小讀書堆所藏付校其  
本後題云右南村古刻叢鈔非全書也已已冬借崐  
山葉氏所藏鈔本錄於榮木軒至庚午四月十二日  
完共五十八葉錢穀記驗其筆迹非叔寶手書蓋出  
自轉鈔也然視前所有各本迴勝今據以修板改正  
者凡五十餘字至其字之多少如入衛天各本多和  
字錢本無  
階案衍者唐故江南北各本少西  
字錢本有道觀察判官  
治章郡碑文元廿一年分十五道置採訪使之一也  
中南康臨川皆屬其部不知者刪去誤

古刻叢鈔

究學古齋校本

甚故右內率府兵曹各本首多唐字錢本無十七案  
以本書推之蓋有額者皆依額  
為標題此以意改前守淄州各本多水  
字錢本無平縣尉  
而未明乎其例也案淄州之屬縣有鄒平可知所缺  
處為鄒字其間不得更有水字也各本少一  
叶十九案脫者不可通又案上文云鸞鳴鳳和疑  
所缺當在填下於偶句始合錢本轉鈔仍有小  
也皆錢本是他本非也因不可修改別記於後以

正之王申端午後十日思適居士顧廣圻書時寓江  
甯皇甫巷之思故人齋

再跋古刻叢鈔

